



Դպրոցականներին՝ գազի անվտանգության կանոնների մասին

Բոլորիս հայտնի է, որ գազով աշխատող սարքերի հետ անզգույշ վարվելը կարող է ծանր հետևանքներ ունենալ, որոնք կարող են դժբախտ դեպքերի պատճառ դառնալ: Քիչ չեն այն դեպքերը, երբ անվտանգության կանոնները չպահպանելու պատճառով տուժել են բազմաթիվ մարդիկ, երբեմն էլ՝ մահվան ելքով:

«Սպառողների իրավունքների պաշտպանության» հասարակական կազմակերպությունը՝ կարելուով գազի անվտանգության կանոնները պահպանելու անհրաժեշտությունը եւ հետամուտ լինելով սպառողական հիմնախնդիրների լուծմանն այս ոլորտում, «ԷՅ-Ի-Ձի Սերվիսի» հետ համատեղ, Դ. Դեմիրճյանի անվան թիվ 27 հիմնական դպրոցում իրականացրեց իրազեկման դաս-ցերեկույթ, որի նպատակն էր նպաստել գազի անվտանգության տարրական գիտելիքների եւ կարողությունների ծեսավորմանը եւ իրական կյանքում դրանց կիրառմանը:

Բացման խոսքով ելույթ ունեցավ դպրոցի տնօրեն Սուսաննա Սարգսյանը, որը նշեց, թե որքան կարեւոր են նման դասերը դպրոցական երեխաների համար, քանի որ չպահպանելով անվտանգության կանոնները, նրանք կարող են հայտնվել արտակարգ վիճակում, իսկ երբեմն էլ անդառնալի կորուստներ ունենալ, որովհետեւ գազը երբեք սխալներ չի ներում:

Դաս-ցերեկույթին մասնակցում էին նաեւ դպրոցի ուսումնական գծով փոխտնօրեն Լիլյա Օհանյանը եւ մասնագիտական աջակցությունների գծով փոխտնօրեն Մարինե Զիրուխյանը: Պարապունքը, որն անցկացրեցին «Սպառողների իրավունքների պաշտպանություն» ԳԿ փոխնախագահ Կարեն Զիլինգարյանը, «Էյ-Ի-Ձի Սերվիսի» երեւանի ԳԳՏՍ ծառայության Շենգալիթ-Մալաթիա տեղամասի պետ Արտյոն Սաֆարյանը, նույն տեղամասի փականագործներ Գովհաննես Փանոսյանը, Արամ Աբրահամյանը, անցավ շատ աշխույժ մթնոլորտում՝ հիմնականում հարց եւ պատասխանի միջոցով: Դպրոցի 6-րդ դասարանի աշակերտները գիտելիքների բավական լուրջ պաշար ունեին: Առավել աչքի ընկան աշակերտներ Սերի Դավթյանը, Արտակ Իսրայելյանը, Էրիկ Տոնոյանը, Լիլյա Քերոբյանը, Գեորգ Ջավախյանը:

Դասի ժամանակ օգտագործվեցին պատտաններ, բուլբուլներ եւ, ամենակարեւորը, խոհանոցային մանրակերտ՝ անհրաժեշտ սարքավորումներով, ինչպես նաեւ ցուցադրվեց մուլտֆիլմ, որի դիտման ընթացքում երեխաները, չկարողանալով զսպել իրենց հետաքրքրությունը՝ տեղից պատասխանում էին մուլտֆիլմի հերոսների մոտ առաջացած հարցերին եւ ուղղություն ցույց տալիս նրանց՝ առաջացած իրավիճակից գտնելու ճիշտ ելքը: Մուլտֆիլմի ավարտից հետո աշակերտներին բաժանվեցին հարցաթերթիկներ՝ պարզելու համար, թե որքանով են նրանք յուրացրել մատուցված նյութը:

Աշակերտները դասի ավարտին ցանկություն հայտնեցին ապագայում եւս մասնակցել նմանատիպ միջոցառումների: Այլ գծով փոխտնօրեն Ս. Զիրուխյանը խոստացավ հետամուտ լինել, որպեսզի այդ թեմայով դասողելի ժամն անցկաց-



վի կիսամյակը մեկ անգամ՝ բոլոր դասարաններում եւ որ այդ թեմաները տեղ գտնեն դասողելների աշխատանքային պլաններում: Դպրոցի տնօրեն Ս. Սարգսյանը խոստացավ, որ հաջորդ ուսումնական տարում «ԷՅ-Ի-Ձի Սերվիսի» տրամադրած դասամյութերը համալրված կլինեն եւ տեսաֆիլմով, եւ դիտակտիկ նյութերով, եւ թեստերով, որոնց լրացման արդյունքներից կախված, մյուս աշակերտները նույնպես կպարգևատրվեն համապատասխան վկայագրերով:

Դպրոցում տեղակայված էլեկտրոնային գրաստիտակը լայն հնարավորություն ընձեռեց ավելի հարմարավետ դարձնելու տարվող դասընթացը՝ միանգամից միանալով համացանցին, թույլ տալով դիտել թեմային վերաբերող տեսաֆիլմը:

Աշակերտներն ակտիվորեն պատասխանում էին տեսուչների կողմից տրվող հարցերին, ինչպես նաեւ մանրակերտի վրա կարողանում էին ճիշտ տեղադրել պայմանանշանը: Նրանք նկարագրեցին նաեւ, թե ինչպես են տանը օգտվում գազօջախից եւ ջրատաքացուցիչից:

Աշակերտները պարգևատրվեցին շնորհակալական վկայագրերով, որով հաստատվում է, որ նրանց շնորհվում է տնային անվտանգության գործակալի կոչում՝ «Բնական գազից օգտվելու անվտանգության տեխնիկայի կանոնների իմացության, ցուցաբերած վճռականության եւ հնարամտության համար»: Վկայագրով պարգևատրվեց նաեւ ներառական ծրագրի շրջանակներում սովորող, հաշմանդամության խնդիր ունեցող աշակերտուհի Սոֆյա Եստոյանը, որին դա շատ ոգեւորեց: Պարգևատրման պահը հուզեց Սոֆյայի նորը, որը ներկա էր անբողջ դասընթացին: Նա իր շնորհակալական խոսքն ուղղեց դասընթացի կազմակերպիչներին:

Նման միջոցառումներ կազմակերպվեցին նաեւ մայրաքաղաքի այլ կրթօջախներում՝ Ն. Ստեփանյանի անվան թիվ 71 (տնօրեն՝ Գայանե Դեմիրճյան), Ռ. Միրոյանի անվան թիվ 77 (տնօրեն՝ Նարա Պետրոսյան) եւ թիվ 171 (տնօրեն՝ Արամ Սաֆարյան) հիմնական դպրոցներում:

Արամ Զայրապետյան
«Էյ-Ի-Ձի սերվիս» ընկերության
Հասարակայնության հետ
կապերի բաժին